



Aqqalu C.Jerimiassen  
Atassut

UKA 2024/25  
25. september 2024

## **Uunga siunnersuut: Filmiliortarneq pillugu Inatsisartut inatsisaat**

(Meeqjanut, Inuuusuttunut, Ilanniartitaanermut, Kultureqarnermut, Timersornermut Ilageeqarnermullu Naalakkersuisoq)

Atassummiit nuannaarutigaarput filmiliortartuttatta ukiorpanni filminstitutteqalernissaa pillugu oqariartuuteqartuarnerat piviusunngoraluttualermat.

Maluginiarparpullu filmiliortortatta pimoorussinerat annertusoq sulilu pikkorissiartuinnavillutik. Uagullu politikkikut filmiliortarnerup siuarsaqqinnissaa, inuussutissarsiutitut, nunatta avataanut siamarterneranut, oqaluttuaatitta kulturitoqqattalu tammatsaaliniissaat, kiisalu aningaasaqarnikkut nunatta siunissami iluaqtigilersinnaammagu.

Sap. Ak. Kingulleq filmiliortartut Nuuk International Filmfestivalernerat maluginiarlugulu malinnaaffigaarput, aamma ilaatigut Aggap ataqqinaammik immikkut pineqarmat attortinnanngitsuunngilaq. Takutiinnarpaalu aamma qangaaniilli isiginnaartitsisartut filmiliortittartullu uagut kalallit tamatsinnut sunniuteqarsimancerat.

Naalakkersuisut inatsisissatut siunnersuutiminni oqaatigivaat filminstitut tassaassasoq pisortat suliffeqarfiat namminersortoq. Tunngaviatigut Atassummiit pisortaqarfifit amerliartornissaannut akerliugaluaqaagut. Taamaattorli namminersorlutik ingerlatsisinnanerat taanna naqissuserumavarput tapersorsorlugu. Pingaartipparpummi inuk kiffaanngissuseqartariaqartoq pingaartumillu equmiitsuliortut pisortanut pituttoqqanatik kiffaanngissuseqarlutillu sulisinnaanisaat.

Oqaatigineqportaaq filminstittut, filmkommission aamma filmiliornermut ingerlatsiviup ataatsimoortinneqarnissaat. Tamanna apeqquserumavarput. Pingaartumik filminstuttip filmiliornermullu ingerlatsiviup ataatsimoortinneqarnissaat. Taakkumi immikkoorput suliarisaallu assigiinnatik. Filmiliortartullu ilaasa ernumagalugu oqaatigivaat filmiliornermik ingerlatsivik filmiliortartunik nutaanik tapersersugassanik aallarterlaanillu pikkorissunik ingerlataqartup, filminstituttimilu kalaallit filmiliornermik ingerlatsisut, sulianullu annertuunut nunanillu allanik suleqatiserinninnermut tunngassutillip aningaasaqarnikkut ataatsimoortumik aamma suliarineqalissappata. Allatut oqaatigalugu aqutsinikkut aningaasallu immikkoortinneqarnissaat kissaatigineqarpoq.

Nunatsinniillu filmiliortartuniit oqarfigineqarpugut inatsisissatut siunnersuummi § 30 assut ernumanartoq. Tassanimi siunnersuutigineqarami nunatsinni filmiliortoqarniartillugu akuersisummik qinnuteqaqqaartoqartassasoq. Paasisinnaalluarparput nunaniit allniit filmiliorumasut akuerineqaqqaartassappata, siunnersuummili ersarissumik allaqqavoq aamma kalaallit



filmiliorniartut akuersissummik peqqaartassasut. Tamanna kiffaanngisusiaaneruvoq, sunami tamaat pisortaniit akuersissuteqaqqartaariaqanngilaq. Pingaartumik eqqumiitsuliortortatsinnut. Killilersuinerujussuarmik politikkeqarneq unitsikkallalaartigu.

Nuannaarutigalugulu eqqaasinnaavarput siunnersummi eqqaaneqarmt filmiliornikkut aningaasartuutaasunut 25%-it utertitsisoqarsinnaalernissaa. Tamannanunatsinni filmiliortunut iluaqtaassaaq, aamma avataaniit filmiliorusuttut suuleqatissapassuarnullu ammaassisinnaammatt. Takorluuinnartigumi nunamiiit allamiit 100mio. Budgeteralugu nunatsinni filmiliorniarpata nunatsinnut akileraarutissaat suli aningaasarpassuummata. Isiginnaartitsisartut kalaallit, allallu filmiliornikkut suliaqartut misilitakkaniq aallerfissaat, peqataanissaallu periarfissagissaarrulersllugu. Taamatut pilerinarsaaniarneq tamkkiisumik Atassummiit ilalerumavarput.

Inatsisisap siullermeerneqarnerani taakku eqqaajumavagut, neriuullatalu ataatsimiitaliamiiut innersuussutigisagut ilanngunneqarumaartut.